

DIVINÆ PROVIDENTIÆ

Illustre argumentum

è

LVDOVICI XIV.

GALLIÆ REGIS

mirandum in modum depresso Fastu

erutum,

& in Apollinis Parnasso

meritò repræsentatum

ab

IRENOPHILO.

*cum annexis aliis nonnullis eidem materie
affinibus*

ELEV THEROPOLI.

A. M DC XCV.



THE UNIVERSITY OF CHICAGO
LIBRARY

PAID BY THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



Um ea sit Humani Generis infelicitas, ut terram, quam ipsi habitandam Deus concessit, pro hominum numero spatiosissimam, omniumq; sustentationi sufficientissimam, hi tamen quietam nunquam possideant, sed, vix ullo respirandi dato spatio, ad mutuam cædem, lanienam & internecionem se non inquietent solum, sed & prompti, alacres, ac vix cohibendi concurrant, nec tamen post infinitas calamitates miserabilesq; malorum turbines melius unquam habeant; nihil fortasse præter verum dixerit, qui orbem hunc officinam appellaturus esset flagitiorum, amphitheatrum insanientium, fabricam machinarum, quibus perdant invicem & pereant miseri erronei mundani, rebus splendidis elati, indomiti, luxuriantes, adversis quævuli, timidi, & aliquando stupidi. Quemadmodum verò qui profanis duntaxat oculis tam funestas scenas contemplari vellent, tristissimo illarum aspectu faciliò vel ad immodicam vitæ hujus nauseam compelli, vel ad impias adversus Deum quærelas adigi, vel ad omnem lætitiâ fortisq; melioris spem ex animo proscribendam moveri possent: ita quorum oculi Divina luce irradiati ulterius prospiciunt, atque in eodem rerum humanarum theatro sapientissimam Dei Providentiam unâ emicantem cernunt, aded nullas vel vilipendendæ vitæ suæ; vel cum Deo litigandi, vel ejurandæ omnis lætitiæ bonæq; spei causas inveniunt, ut potius inter densa malorum agmina & sævissimos adversitatum turbines serena mente
frui,

frui, dulcissimoq; hoc cœlestis Providentiæ spectaculo reficere animos suos & ad lætissima quæq; speranda erigere queant. Quid enim pio animo in hac mundi fece sive sentina constituto, interq; tot miseras & calamitates versanti, ad temperandas præsentis vitæ amaritudines dulcius, quid ad ægritudines animi leniendas lætius, quid deniq; ad bonæ spei faculam accendendam illustrius accidere posset, quàm Divini Numinis Bonitatem bonamq; Sapientiam omnibus humanis rebus præsentem ac præidentem intueri, & admirabundum cognoscere, quomodo per nostram licentiam Deus nos cogat in ordinem, per nostras iniquitates suam exerceat justitiam, per nostra dedecora suam illustret gloriam, per stultas cupiditates nostras sanctissimæ voluntatis suæ adimpleat leges, per nostras aberrationes & obliquitates rectissimos attingat scopos, cum primis verò quicquid exitiosum evadere piis posset, in ipsorum salutem vertat, pusillumq; ^{proci} agmen ut rosam inter spinarum aculeos, ut radium nitidæ lucis in opaca nocte florentem splendentemq; conservet, nulloq; neglectu impetue adversantium prohiberi sinat, quò minus perituro orbi supervectum perduret. Quæ admiranda Divinæ Providentiæ spectacula, si unquam, nostro certè seculo hoc uberius & luculentius se produnt, quò potentius nunc furit, universam malitiæ suæ ~~παρανομίας~~ explicando, juratus ille Humani generis hostis, tantorumq; malorum inventor & inflator Diabolus, haud quippe ignarus, quàm parum temporis (properante jam ad senium rogoq; suum mundo) sibi supersit ad implendam malitiæ suæ mensuram & affligendum piorum manipulum. Ut seculum proinde nostrum haud magis universæ malitiæ ac stultitiæ Diabolicæ quàm Benignitatis ac Sapientiae Divinæ summam & compendium velut exprimere videatur, & qui vel pauculorum annorum res nostro ævo gestas expendere cupiat, clarissimis indiciis cognoscat, esse Potentem, Sapientem, assiduum Regnatorem, qui regna instituat, destituat; amplificet, extenuet; extollat, deprimat; opponat,

componat; convertat, evertat; præmia virtutibus ac triumphos, sceleribus supplicia æ de decora tribuat, nec malas artes earumq; magistris proficere multum, nec diutius sinat, quàm dum justas pœnas dederint ii, quibus flagella hæc destinata fuerant. Nihil nunc ego de Osmanidarum Gente, vetere illo Christianarum Gentium flagello, dicam, quàm intra paucos annos evomere tot ac tanta oportuit, quor intra gemina secula improbo ore devoraverat; nihil de Jacobo, qui, Regis personam malè agendo, theatro suo sine omni applausu imò cum pudore & gemitu excedere debuit; unus mihi Galliae Rex modernus *Ludovicus* in fidem dictorum sufficiet. Cujus certè regnum, si quod aliud unquam, ad tantum fastigium fortuna evexit, ut plurimis esset terrori, admirationi penè omnibus. Sive enim opum abundantiam; sive terrestris æqvè ac maritimæ potentiæ amplitudinem; sive subditorum in obsequiis præstandis fidelitatem; sive militum consilio manuq; strenuorum copiam; sive armorum aliorumq; militarium instrumentorum apparatus; sive castellorum ac Fortalitorum ad muniendos regni tanti limites robur, ceterarumq; partium non hinc & inde sparsarum ac dispalatarum sed Gordio nexu velut junctarum decus & firmitatem; sive fœderum ad conservandam augendamq; potentiâ commoditates; sive prosperos in belli pacisq; negotiis administrandis successus, & refulgentem inde summum gloriæ splendorem spectaverimus; nihil felicitati Galliae deerat: solum desiderabatur Rex, qui regnum opibus firmum, copiis locuples, gloriâ amplum, virtute honestum quoq; efficeret, hoc est, qui Deo publicisq; commodis devotus intra naturæ fines affectus potentiâq; suam coërceret, prodesse omnibus, nocere nemini vellet, qui totius orbis imperia ne unius quidem innocentis sanguine emere auderet, rationumq; ad supremum Christi tribunal aliquando afferendarum quàm vectigalium, tributorum censuumq; curam majorem habere mallet, nulla imbutus fraude, nulla inquinatus avaritia, nulla contaminatus perfidia, nulla fœdatus crudelitate.

Sed

Sed quemadmodum res secundæ plerunq; mutare & corrumpere mortalium naturam solent, & raro quisquam erga bona sua satis cautus: sic felicitatem suam perferre *Ludovicus* non valuit; sed nimio ejus splendore quasi occæcatus, perperisq; deliciis ebrius, talem potius se gessit, quales vel lumine capti solent, quos ad cunctos impingere lapides cernimus, vel quorum solutas mentes in quascunq; bestias Lyæi insania transformat. Præterquam enim quod impuris voluptatibus ita se vincendum ac constringendum dederit Venereus hic Nepotulus, ut earum turpissimo famulatu ac nexu irretitus licita sibi crediderit, quæ nonnisi turpia in alienis genitalibus furta appellari debent; cum ipsa pudicitia simul reliquum pudorem perdidisse est visus, postquam insanæ ambitionis stimulis agitatus alienam gloriam suam interpretari dedecus, aliorum damna & pericula sua æstimare commoda & lucra, nullam denique legem agnoscere amplius, ferre tamen omnibus voluit. Hinc a domesticis injuriis (quod non nisi furiosorum est) iniquitatem suam exorsus Comitiorum vim elusit, Parlamenti auctoritatem depreffit, Nobilitati pennas, ut renasci amplius non possent, incidit, ne qua videlicet domestica potentia pravis ejus consiliis & adversus externos, quorum ruinâ litandum ambitioni suæ duxit, machinationibus, remoram posthac injiceret. Postquam verò, converso ad externos ambitionis tantæ furore, Gentes cum Gentibus, regna cum regnis committere, summa orbis Capita variis afficere contumeliis ac tantum non pedibus calcare placuit; postquam munitissima arte & natura loca intus proditoribus, extra militari robore expugnare, urbes pulcherrimas ac florentissimas in cineres & favillas redigere, ornatissimas provincias populationibus & flammis vastare non dubitavit; postquam dexteris, quæ fidei testes esse solent, perfidiâ & scelere violare, gentiumq; jura inauditis & inexpliabilibus modis polluere non exhorruit; quid restabat, nisi ut, terram cœlo, cœlum terræ miscendo, ipsis conscientiiis dominari cuperet?

Et

Et imperavit certè, eosq; quorum in auribus vox Dei quàm terrarum Dominatoris suavius tinniebat, Deoq; magis quàm homini parendum esse contendebant, suppliciiis tantis affecit, ut insatiabilem crudelitatem ejus nulla tormenta explerent. Non miserorum lacrymæ, non suspiria, non plangores, non singultus, non preces supplices, non merita, non dignitates, non alia vel maximâ miseratione dignissima aliquam ad partem humanitatis eum revocare, aut sævitiam ejus exarmare poterant. Hinc squalidissimi carceres, inde eculei, cruces, rotæ, laquei miseros terrebant; alios unci & adacti per medium hominem, qui per os emergerent, stipites necabant; aliis distracta, in diversum actis cruribus, membra; alios tunicæ alimentis ignium suffultæ ac illitæ cruciabant; & quicquid militaris sævitia comminisci potuit, innocentissimos homines sustinere oportuit, tanquam tot innocentium cruore vitiorum suorum maculas eluere, aut incendia passim excitata hac sanguinis inundatione delere Rex crudelissimus vellet. Jam in eo, puto, erat Divini fastigii æmula hæc ambitio, ut fabulosam Gigantomachiam in historiam mutando cælum ipsum oppugnaret, deq; limitibus cum Deo contenderet; cum potentissimus Deus ex altissima cœli sui specula audacissimi homuncionis vanitatem ridens, fibulam ori ejus imponit, intolerandumq; ejus fastum immanemq; sævitiam tantâ sapientiâ castigat, ut dum nullas amplius Divino armamentario superesse putabat virgas, scuticas, pestes, morbos, vindicemq; Dei manum effugisse se credebat, hanc ipsam nimis contra se armatam nunc experiatur, suaq; intercipi gaudia, accrescere dolores, geminari timores, minui fiduciam, eludi spem, destitui vota infelix sentiat.

Quid enim letaris amplius Ludovice? de propagatis quàm latissimè Imperii Tui finibus? de tot victoriarum Tuarum insignibus & monumentis amplissimis, quibus Heroica facta Tua consecrari vidisti, & ex parte ipse jussisti? de ejectis feliciter è regno Tuo universis Protestantibus,

laxa-

laxatisq; inde Ecclesiæ Pontificiæ pomœriis? de gravissimis in plurimos ac potentissimos Principes & Gentes jactis contumeliis? de Turcarum deniq; ab interitu Tua quasi manu retractorum novis adversus Christianos ausibus belliq; apparatibus maximis? Sed ô suppuratam lætitiā! ô Sardonios risus! ô pudenda gaudia! Equidem terra mariq; stupendos exercitus adversus tot tantæq; potentiæ Fœderatos alere, expeditissimas acies instruere, victorias victoriis cumulare, innumeras urbes velut reti quodam capere, munitissima castella brevissimo tempore, quin & media hyeme, expugnare perquam apparet lætabile, Heroicisq; factis connumerari dignum. Sed desinunt hæc esse talia, si eorum splendorem turpitudine inquinet, si dignitatem consiliorum scelestissimorum astutia contamine, si honestatem summæ & plusquam barbaræ crudelitatis libido elidat: nec trophæorum nomine digna dixeris, quæ pudendæ inhumanitatis, inhumanæ feritatis, feræ crudelitatis memoriā unā re-fricant, & in conspectu omnium ponunt. Et quidnam quæso solidæ voluptatis ex tot amplissimarum, quæ regno Tuo facta est, provinciarum accessione ad Te redundare potest? Cum enim in propatulo sit, quibus adminiculis, quibus præstigiis, quibusq; titulis (nil certè nisi meram injustitiam imperandiq; libidinem redolentibus) in hos auctus surrexeris; non aliam voluptatem inde hauries, quàm ii solent, qui vel inter summos febris ardores gelidâ se ingurgitant, acerbissimis ided doloribus mox cruciandi; vel quorum prurigo, postquam longa scalpendi libidine irritata est, diuturnam exulceratissimi doloris memoriā post se relinquit. Sed & insanientis, prorsus lætitiæ genus est, quæ ob actos in exilium, Tuis cumprimis auspiciis, Hugenotas tripudias ac triumphas, tanquam religiosissimi & Christianissimi nomen mereri sic posses. Quis enim religionis ampliandæ studio hoc factum à Te putet, à quo quoties prætenditur religio, toties intenditur regio? Quis veræ religionis amore eò compulsus Te credat? cui dissoluta & impudens licentia potissimum religionis caput est, quiq;

non sacris tantum Deoq; devotis viris æqvè ac fœminis, sed ipsi quoque religionis Tuæ Capiti & Antesignano, Pontifici Maximo, injurias plurimas contumeliasq; imponere es ausus; qvi sanguinariis Turcarum adversus Christianos consiliis non interfuisti tantum, sed & præfuiisti, tantumq; hostem è visceribus Europæ propelli etiamnunc prohibes; qvi deniq; miseros Protestantes ad Pontificiam Religionem cogere non ea certè de causa voluisti, qvòd hæc vera, sed qvòd Tua esset religio; aliam non minori violentia subditis Tuis obtrusurus, si quam rationi Status Tui magis accommodam, vel ad coloranda scelera Tua pingendasq; pravas molitiones aptiorem noffes. Qvodsi verò Tuis auspiciis, Tuorq; robore domitam ac prostratam gaudeas Protestantium in regno Tuo Ecclesiam, longè erras. Exscindi enim illa si posset, ad Tuam funestam securim reservata non fuisset, sed per alios, utut Te longè mitiores, dudum extincta occidisset. Nec enim postquam suis capitibus paulatim orbatâ, detestabiliq; levitate aliquoties circumventa est, esse desiit; sed etiam post Parisiense illud Gallici nominis indelebile dedecus, postquam tanto fervore tentata est illius extinctio, ut mille Catholicorum clade centum Hugenotarum mors quæsita emtaq; sit, augustior illa semper respiravit, prodeunte in aciem Jehova, & hinc temerarios Milones ipso regni hiatu comprimente; illinc Valefiorum validæ Domui, quæ tota sancto sanguine madebat, stamina abrupte; alibi ictus è Romano cœlo datos avertente; alibi impiè ligatos dissolvente; alibi Lojolitarum sanguinariæ Sectæ æternum dedecus parante, & omninò Religionem in commodam quietamq; sedem reponente; dum Tu rursus eam inde dimoveres, non sine plurima innocentis sanguinis profusione, qvi Tibi tamen impiè propterea lætanti & in omnium gemitu triumphanti mare rubrum fortassis erit, qvo mox mergaris, & cum omnibus complicitibus Tuis suffoceris.

Quid doles verò *Ludovice*? plurima certè, & quæ longissimè exuperent illorum numerum, de quibus lætaris: Divinâ scilicet Nemese doloribus tantis stulta gaudia Tua iustissimè flagellante. Quidni enim Te mordeat, pessimi complicitis Tui, *Jacobi*, Angliæ quondam Tyranni, scædum ac pudendum exilium? quandoquidem tristissimus ejus aspectus memoriam Tibi revocat eorum, quæ Tu, fretus Tanto socio (cùm ex eodem ovo prognati, in eodem ludo ad malitiam docti videamini) perficere potuisses, nisi nimium ille festinando cæcos peperisset catulos, præcipitiq; fortunarum suarum ruinâ vastam illam consiliorum Tuorum struem unâ evertisset.

Quidni urat Te maximè *Fürstenbergium*, dignum illud patella Tua operculum, Colonienſi cathedra exclusum, corvique; instar hiantis delusum, Hylam nunc inclamare, nec res Germaniæ turbare amplius posse? Quomodo etiam concoquere satis queas interruptas *Delphino* Tuo victorias, quibus Germanici Regni coronam Imperii ejusdem Proceribus erat extorturus, nisi Divina potentia infirmitati nostræ succurrisset, haudquaquam sanè passura, ut pro tot illatis Germaniæ à Patre injuriis & contumeliis tanta præmia Filius reportaret? Nec dubium, quin abhorreant valdè aures Tuæ à *Danubii* commemoratione, etiamnum à compedibus Tuis per Dei gratiam liberi; quas tamen injecturus huic eras (non solum ut aleretur magis magisque; familiarissimum illud cum Pylade Turcico Tuo commercium, sed & ut novis inde cladibus Germaniam, ejusque; ocellum Austriam, affigeres, pacemque; tandem Augustissimo Germanorum Imperatori exprimeres) nisi Divina dextra audaciam Tuam contudisset atque fregisset. Nec sine doloris morsu animum Tuum unquam subibunt *Moguntia*, *Bonna*, *Cesaris verda*, firmissima illa Rheni propugnacula, & velut pingvissimi boli faucibus Tuis Heroica Germanorum manu erepti. Num verò obductam vulneri huic cicatricem renovari dubitabimus invictæ *Rheinfels* aspectu? ad quam velut rupem furens ac volaticus impetus Tuus durissimè

sine impegit, tanquam Divina vindicta oculos Tuos in aliis
 plusquam Lynceos ad talparum cæcitatem eo tempore da-
 mnasset, Tuamq; , quam ex tot insuperabilium ferè munimen-
 torum expugnatione captasti, gloriam frustranea castelli unius
 oppugnatione offuscari voluisset. Ac tegere quamvis, fran-
 gere tamen vix licebit dolorem, hinc maximè Tibi inflic-
 tum, quod *Hailbronnæ* opimæ instar prædæ unguibus Tuis, unde
 prius exciderat, tam feliciter subduxerit Inviçissimus Dux *Ludovicus Badensis*, ut nulla nisi ex pelvi fulgura tum dares,
 Tuusq; robustissimus omniq; ex flore militiæ collectus exer-
 citus, itupente Delphino Tuo, ad hunc limitem attonitus quasi
 staret, nec nisi cum indignatione & pudore multo recedere
 cogeretur. Quis verò exhauriet Tibi ingentem illum ex *Del-*
phinatibus Tui vastatione dolorem? ad quem animo Tuo pro-
 fundius insigendum cum omnia fuerint intolerabilia, tum
 maximè, quod à *Sabaudie Duce*, hoc est, ab eo vulnus hoc Tibi
 sit inflic-
 tum, quem Tu Rex potentissimus, tanquam minorum
 Gentium Deum, viribusq; multò Te inferiorem, vel dentibus,
 nedum armis numerosissimi Exercitus Tui, concerpi posse
 haud dubiè Tibi persvaferas: Divino tamen Numine scitissi-
 mè hoc providente, ut iusta talione Tibi Dux laudatissimus
 persolveret, quod Tu injustissimè adversus alios Tibi licere,
 nefariè credidisti. An verò sine lacrymis vel animi cruciatu
 cogitabis illata *Portibus* Tuis hoc & superiore anno incendia
 ac funera, cum aliquos tantum non subverteret Horribilis An-
 glorum illa machina, vindicandis tot incendiis, ad quæ Tu ne-
 scio quam gloriæ faculam accendere voluisse hucusq; es vi-
 sus, haud dubiè excogitata & inventa? Fallor? an graviores in
 ulcere Tuo ungues sunt subtrac-
 ta potestati Tuæ munitissima
 propugnacula, *Casale & Namurcum*? Quorum illud quidem
 superiore anno ab interitu suo vel ideo revocari debuit, ut
 minore Fœderatorum damno nunc caderet, ejusq; lentior oc-
 casus majore animum Tuum dolore cruciaret; hoc verò ne
 à validissimo suo præsidio (cui nescio an par unquam habue-

rint propugnacula illa ac munimenta, de quorum expugnatione gloriaris) defendi sic potuit, quin Heroicæ Fœderatorum fortitudini nuper quoque cederet, & ad pristinum Dominum majori cum gloria rediret, quàm erepta illi abs Te fuit. Talia sunt hæc, *Ludovice*, quæ exulcerare animum Tuum satis possunt. Sed si reliquum malorum Tuorum cumulum lustres, à mente Te deferi omninò est necesse. Sit enim acerbum Tibi, *Fürstenbergium* Electoratu fuisse exclusum: sed illius loco electum esse *Clementem*, Principem, qui insigni Prudentia, pietate, moderatione sua, quæ Juvenilem ætatem ejus mirificè exornant, pudorem Tibi grandævo incutere posset, & qui pro publico bono adversus Te niti sincero animo cupiat, id verò longè Tibi acerbius. Sit calamitosum Tibi, *Delphino* interceptam Regni Romano-Germanici spem: sed hoc ipso in folio collocatum nunc cernere *Josephum*, Principem, cujus in viridi ætate matura virtus mereri hanc videbatur coronam, antequam acciperet, quemq; ut Paternarum virtutum ex asse heredem, sic injuriarum gloriosum vindicem speramus, id verò multò Tibi calamitosius. Sit ærumnosum Tibi, *Jacobum* excidisse regno, perdidisse sceptrum, factum exulem: sed WILHELMVM hæc sceptrum invenisse, illaq; prudentissimè moderari, id verò multò Tibi ærumnosius. Sed paulò profundius Divinæ providentiæ admiranda rimari hic nobis liceat. *Jacobo* talis succedere PRINCEPS debuit, qui Anglicanam Nationem tantopere devinctam sibi haberet, ut hæc justissimo titulo salutem suam eidem committere, suasq; vires ad vindicandam Regni libertatem commodare posset; PRINCEPS, qui Anglorum non minus Rex sapientissimus, quàm Bavorum Gubernator & Capitaneus Generalis gloriosissimus, utramq; nationem ad tantum animorum consensum, tantam consiliorum conjunctionem, tantam voluntatum conspirationem perduceret, quam nulla facilè vis, nullus metus, minæ nullæ perfringerent aut labefacerent: PRINCEPS, cujus multis magniq; in rebus spectata Prudentia, Integritas, fides

tot Fœderatos arctissimè sibi devincire, & ad commune commodum mutuis officiis gubernandum præclare animare posset; PRINCEPS, qui ad secundorum usum per adversa veniens, invictum adversus corruptiones animum servare, & infestum virtutibus seculum moribus suis corrigere posset; PRINCEPS, qui Fortunæ adjutus amplitudine, & maximarum rerum excitatus successibus, omnesq; curas suas intento semper animo tum in propriam Regni sui tum in communem totius Orbis Christiani salutem defigere assuetus, arduum Pacis (mox, ut speramus, futuræ) negotium consilio regere, integritate tueri, virtute conficere valeret; sive, ut significantius, quod intendo, exprimam, qui Tuas, *Galle*, deprimere cristas, confundere consilia, turbare circulos, enervare potentiam, frenare audaciam, eludere ambitionem, compescere libidinem, sedare furorem, frangere impetus, inhibere insultus, interpellare victorias, frustrari spes, ulcisci injurias posset.

Nunc, quid *metuas*, *Ludovice*, videbimus. Mirum certè nisi omnia. Fieri enim vix potest, ut, qui metui ab omnibus cupit, omnes tandem non metuat. Sed plurimum terroris *Anglorum Belgarumq; classis* haud dubiè Tibi incutiet? nec immerito. Hæc enim viris, armis, machinis, omniq; apparatu omnium, quas oceanus unquam vidit, instructissima Tuam, *Ludovice*, classem mari submovisse non contenta, portibus Tuis imminet, & oceani fauces velut portant quandam excursionibus Tuis obserat, eumq; à piratica Tua rabie, qua maria corrumpis, purgat, perq; omnes maris Mediterranei portus, sinus, latebras, recessus, freta, peninsulas, promontoria naves Tuas mercatorias æqvè ac militares occludit opprimitq; *Invincibilis* certè meliøre jure appellanda, quam Hispanorum illa, quæ quondam in sapientissimæ Anglorum Reginae Elisabethæ excidium emissa, totoq; triennio immensis sumtibus apparatus, nominis sui mensuram implere nequivit, *Invictamq; Reginam* horribili sua specie non terruit; sed *tempestatibus*,
nau-

naufragiis , miseriis omnibus gravissimè conflictata plurimumq; accisa, domum ingloria rediit, non sine magna Angliæ felicitate, sed majore Dei gloria, qvi Hispanicum eo tempore fastum, immoderata, incredibilia, nimis alta cupientem coërcuit , classemq; in melioris partis oppressionem destinatam coelesti flatu suo dissipavit : cum hæc è diverso coelesti gratia fulsa & bonitate causæ freta, invicta hucusq; fuerit, & *Invincibilis* nomine non aded indigna appareat. Hæc ipsa enim classis est, (multoqve nunc instructior) qva Sapientissimus ac Fortissimus WILHELMVS comitatus ac rextus Angliam (& qvodd mirandum, eod. Anno, 88. scilicet, qvo superiore seculo Hispanica classis modo memorata adversus Anglos excurrerat) victor intravit , priscisq; juribus & avitæ religioni mirabiliter eam restituit ; Hæc ipsa est, quæ Tuam, *Ludovice*, classem stupendam pariter maximoq; apparatu gravem (*Risseli* integritate & prudentia Gallicanas corruptiones scitisimè eludente, Divinaq; Providentia ingeniosam talionem hanc prosperante) tam fœda strage laceravit , ut ex ea necdum respirare, aut in aciem se recipere ausit ; sed ad conspectum classis hujus timore perterrita contremiscat ; hæc ipsa est, cui se suaq; omnia credere nunc cernitur Hispania, Divina sic moderante Sapientia, ut, quæ utriq; classis hujus Genti excidium olim minabatur, pristinæ potentiae iræq; expers, salutem suam utriq; acceptam ferre jam cupiat ; hæc ipsa est, quæ portibus Tuis & maritimis munimentis easdem faces immittere deinceps valebit, quæ proximè superiore anno *Diepenssem*, nec ita pridem *Malensem* portum aliosq; concremaverat, ne gratis orbem Pyrotechnica Tua erudiisse videaris, neve impunita relinqvantur tanta incendia , quæ Plutonii Ministri Tui toties excitant, non unam Trojam Germaniæ aliisq; Provinciis inducendo. Sed est insuper qvodd metum Tuum majori cumulo augeat , ut non modo sine cura quiescere , sed ne respirare qvidem sine metu queas. Intus enim , intus est equus Trojanus ; intus magna malorum impendet Ilias. Postquam enim

enim innumeros subditorum Tuorum, quorum in sinu tutis-
simè quiescere poteras, quorum preces votaqué; pro Tuis votis
explendis solem orientem excire, occidentem comitari sole-
bant, qui annos suos Tuis annis libenter addituri erant, quo-
rum ope regnum Tuum etiam sine muris tutum foret, & per
quorum latera longâ serie locatorum ferro, antequam Te tan-
geret, transeundum foret, è regno Tuo expulisti; aliorumqué;
innumerabilium sanguine ditiones & regna (justis Dominis
mox, credo, summo cum pudore restituenda) emisti; cete-
ros verò, qui sub calce & Dominatu Tuo etiam nunc gemunt,
exactionibus, tributis, angariarum præstationibus, aliisque; in-
numeris afflictionibus gravissimè premas, ac tantum non op-
primas, omniumque;, qui Tibi serviunt, vita ex tenuissimo filo,
Tibi vel levissimi de causa rumpendo, dependeat; hos quo-
que Tyrannis Tua, Naturalium legum & pudoris oblita, ipsaque;
societatis humanæ vincula dirumpens, mancipatus Tui vin-
culum rumpere, & pro Libertate sua arma adversus Te sume-
re mox coget: cum nec Divinæ Providentiæ quicquam con-
sentaneum magis magisque; gloriosum videri queat, quàm si suo
gladio jugulentur, qui tot innocentium jugulis eum admo-
verunt, aut subditorum suorum jugum subeant, qui tot Res-
publicas, Civitates, Principes, sola regnandi libidine, sub ju-
gum mittere non sunt veriti.

Cui autem *confidis*, *Ludovice*? an *Lojolarum* calliditati &
versutiae? Sed horum nefaria consilia ex hoc Te periculo, in
quo versaris, non liberabunt, quin potius ex fumo in ignem
ducent. Hi scilicet sunt *Lyfandri* illi, qui vulpinam primò
pellem, cumque; hac nihil proficeretur, leoninam induere Te
docuerunt; hi sunt *Dædali* illi, qui cereas alas Tibi affixerant,
quibus altius, ac debebas, elatus, velut *Icarus* præcipites tan-
dem, ac pudendam temeritatis Tuæ poenam luas, ludibriumque;
omnibus debeas. Nec ceteri insipientis sapientiæ *Consulti*
Tui occultis malignisque; stimulis suis Te, in pravissima quæ-
que jam satis propensum, excitare atque impellere desinent,
dum

dum horrendo & irreparabili lapsu ruas. An *Barbarorum* potius confides amicitiae & foederi arctissimo? Hem! verò quam Tu hoc ipso prodas virium Tuarum, ô Magne *Ludo vice*, debilitatem! Ut enim naufragio ejeti & in aquis mox perituri quidvis amplecti malunt quam mergi: ita ne iis, quos ipse excitasti fluctibus, nunc opprimaris, vel Turcae auxilium implorare Te non pudet, quasi ex lege mutui hanc tabulam naufragio Tibi debeat, eò quod Tua nuper manu ipse quoque ab exitio suo sit retractus, & (proh! facinus) innumerorum Christianorum sanguine, Te Christianissimo Rege sic dirigente, à servitio redemptus. Nec est, quod foederis hujus firmitatem Tibi pollicearis. Cum enim sanctissima foederum nomina Tibi æquè ac Damoni Tuo Turcico ludus tantum sint & occasio fallendi, ac dispari quidem causa, pari tamen perfidia, induciarum cum Imperatore Romano-Germanico sanctitarem utriq; ruperitis; quis dubitet, quin, si cesset ab alterutra parte sperata ex foedere utilitas, subtrahendo nucleo pignori alter alteri relicturi sitis putamina? Nec enim inter vos, quibuscunque pigmentis & fucis amicitiam vestram coloretis, capitis vel cordis unio est, caudis duntaxat ardentibus, ut Simsonis vulpeculae, connexi estis. Dignus Tu interim, *Ludo vice*, tanto socio, quem exosculeris; dignus caduco hoc pariete, in quem inclines; dignus scipione hoc arundineo, quo nitaris, postquam Divino diffusis auxilio proprias vires adedò jactasti, nec apud Christianos Principes ob insidias Tuas in simulatione officii plerumque latentes invenire amplius potes, qui vel jurato Tibi fidem habere, vel arctius agglutinari Tibi gestiant. Turcam verò nisi infelix Jacobus doceat, quanto stet Gallorum foederibus innecti, suo is tandem damno discat, quam miserè pereant, qui Tibi succurrere cupiunt.

Quid speras insuper, *Ludo vice*? ut nominis immortalitatem Tibi extruas, & *Magnus* passim appelleris? Sed falleris. Cum enim præter Basilarras & Assentatores Tuos nemo Te jam laudet, ad mentionem Tui bonus quisque ingemiscat, ad faci-

facinora Tua vel ipsi Conſanguinei Tui & Affines erubefcant, recordatione Tui vicini, imò omnes tranqvillitatis & pacis amantes perhorreſcant; oblivionis artem prius edocere alios Te oportebit, qva delere ex animo ſuo diſcant graviffimas injurias, qvas iis toties inuſiſti; obturanda Tibi prius illorum ora, qvorum damnis & miſeriis potentiam ac fortunas Tuas auxiſti; abolenda innumera ſcriptorum monumenta, qvæ immanem ſævitiâ Tuâ, crudelitatem, ambitionem, cerarq; vitia, æternas nomini Tuo maculas aſpergentia, depingunt: aut, ſi minus id liceat, non aliam Tu inde gloriam metes, qvâ vel ex templi pulcherrimi incenſione petulans Heroſtratus, vel ex captato totius orbis imperio audax Alexander, vel ex horrendis Chriſtianorum perſecutionibus ſanguinolentus Nero, vel omnes, qvotqvot ex infamia famam ſibi qværerere ſolent: ſcilicet, ut *Magnus Incendiarius*, *Magnus Lâtro ſive Pirata*, *Magnus Perſecutor* audias. Nec enim ulla nox nefaria Tua ſcelera ſuis tenebris obſcurabit, nec qvisqvam unquam tam deſipiet, ut veram animi magnitudinem in Te agnoſcat, in qvo nil niſi rumor eſt, aut *verè Magnum* Te appellandum exiſtimet, qvi Sapientiſs. & Inviſtiſſimo WILHELMO non ſolum minor es, ſed ne qvidem illi comparandus. Qvin Tu igitur *Magni* titulum cedis Wilhelmo? Quantum enim Tu turpitudine, tantum Ille honeſtate; quantum Tu temeritate, tantum Ille Prudentia; quantum Tu libidine, tantum Ille continentia; quantum Tu furore, tantum Ille conſtantia; quantum Tu fraudatione, tantum Ille fide; quantum Tu petulantia, tantum Ille pudore; quantum Tu ſcelere, tantum Ille pietate excellit; digniſſimus proinde, cui palmam Tu porrigas, omnemq; gloriam Heroi tanto reſignes.

Qvid *optas* deniqve, *Ludovice*? an ut ſub jugum Tuum mittamur, calcemq; & cæmenta convehamus, qvibus *uni-verſalis Monarchia* Tibi conſurgat, ad qvam condendam omnem lapidem hucusq; moviſti? Neſcis ſcilicet, eam Te felicitatem optare, ad qvam tuendam alia felicitate ſit opus; non intelli-

gis, ea vota a Te fieri, pro quibus, si successerint, non a vota facere Te oporteat; ignoras, quantum mali sub his bonis lateat: periculosum enim est prægrave imperium, neque, quæ modum excedunt, navigia tam facile reguntur, nedum ut Tu pluribus regnis (sive ut Adulatores Tui gloriantur, pluribus mundis more Solis illustrandis ac fovendis) sufficias, qui ne Tui quidem regni habenas tam prudenter moderari potuisti, quin in summum discrimen adduceres, & tanquam Phaëton alter tot facibus inflammares, ut jam non aqua sed ruina incendia tanta extinguere posse videantur. Quid verò injustius etiam, quàm ea Te optare, quibus ut Tu locupleteris, innumeri alii compilari prius debeant? Quid stultius, quàm ea Te cupere, quæ non capere, aut capere, quæ non continere valeas? Itaque nos contra optamus (nec iustissima vota nostra destituet Divina clementia) ne cervices & colla nostra durissimum Dominationis Tuæ jugum unquam sentiant; quandoquidem sub Turca vel quovis alio monstro tolerabilior servitus, quàm sub Tuo Dominatu, qui subditos tuos tantum non in asinos transformare, aut his inferiores reddere soles; cum his onera sua in salutem, illis in extremam perniciem cedant.

An potius ut *pacem* nuper à Te oblatam amplectamur, exoptas? Sed neque hujus voti damnari Te Divina Providentia sinet, quippe quod in nostram, à quibus ne læsus quidem es, perniciem improbe concepisti. Malus enim Tu Nomenclator *pacis* & *belli* vocabula confundis, & auferre, trucidare, rapere falsis nominibus imperium, atque ubi solitudinem feceris, pacem appellas: nec tam specioso & irritò *pacis* nomine aliud intendere videris, quàm ut, dato quocunque respirandi spatio, vires Tuas recolligas, nostras verò attenuas vel dissipes; ut subditorum Tuorum adversus Te murmura & querimonias comprimas, unanimem verò tot Fœderatorum consensum concentumque, quoad licet, rumpas & turbes; ut tot injustas usurpationes aliquo Præscriptionis jure firmes

ac munias, nos vero dulcedine Pacis illectos & à defensionis nostræ cura solutos ex improvise, & velut ex machina (ut sæpius consuevisti) opprimas. Apagè verò remedium, quod causa morbi relicta dolores ad tempus duntaxat mitigat, ut majori cruciatu mox redeant! Longè à nobis sit pax illa, quæ sub cineribus tot scintillas relinquit, unde majoris belli mox oriatur incendium! Deprecamur has belli ferias, quæ solummodo dant spatium enses lanceasq; acuendi, ut gravius dehinc vulnerent! Aversamur Transactiones illas, quæ Grypho intricatiores litem ex lite sic ferunt, ut citius in Cretæ Labyrintho exitum, in Gordio plauastro lorisq; caput, in tenebris lucem, in Scyllæ & Charybdis aestu tranquillitatem, quam certi quid in ea inveniamus, quod publicam tranquillitatem stabiliat, vel cavillatoria Tua interpretatione everti non possit. Et quamvis, ut ejusmodi *Pacem* nobis persvadeas, intentatum nihil relinqvas; quamvis, cum præscribere illam, ut aliàs, ita nunc non possis, nullis neq; precibus parcas (quas certè non apud Pontificem maximum solum, sed & Helverios, ut ut aliis parum honorificè à Te tractatos, adhibere pudori Tibi haud duxisti) neque promissis temperes (infelices quippe Chemicos imitatus, qui etsi quotidie spe sua deturbati, sumtibus enervati, laboribus penè extincti, semper tamen à novo mendacio imposturæ spiritum resumunt, ut inter svavia somnia sua & lucri se offerentis computationem sibimet ipsis applaudant) quamvis item, ut *Pacem* hanc nobis extorqueas, vel ipsum Acheronta movere non dubites, impensam Tu tamen operamq; hic perdes, justissima Dei vindicta hoc Tibi retribuente, ut surdas Principum aures passim nunc verberes, qui Tuas nuper aures tot innocentium precibus, tot suspiriis, tot querelis, quas luctus iis expresserat, obturasti. Sed qualem nos potius *Pacem* optemus, percipe: non certè *pudendam*, quæ nomine suo bellum involvat, quaq; tutius videri posset bellum ipsum; non *captiosam*, quæ speciem juris fraudibus Tuis imponat, ut nova siti ad alia atque alia properes; non

infirmam, quæ Tibi propugnacula & munimenta firmissima, nobis latus nudum relinquat; non *precariam*, quæ à Tuo nutu vel armis pendeat; non *horrificam*, quæ Dependentiarum, Reunionum, Compensationum sive Æquivalentiarum peste similibusq; monstris nos terreat: sed *honestam*, sed *seriam*, sed *justam*, sed *firmam*, sed *tutam*, sed *letabilem*; quæ bellum finiat, non differat, quæ vulnera nostra non obliget solum sed & sanet; quæ ablata nobis restituantur, denegata præstentur, promissa impleantur, commissa expientur, vastata reparentur; quæ sacris suis honor, Protestantibus sua libertas, Parlamento Regni Tui sua autoritas, afflictis subditis Tuis sua felicitas, ignominia affectis sua existimatio, Fœderatis sua securitas, Christiano orbi sua tranquillitas redeat. Hanc nos *Pacem* non optamus tantum, sed & sub clypeo jam speramus. Et quidni speremus? quando potentia Tua maritima metu exhorrescit, terrena flaccescit, militum impetus ob negata stipendia langvescit, obsidionum fervor tepescit, gladiatorum acies hebescit, incultus ager sterilescit, annonæ caritas ingravescit, mercaturæ decus marcescit, subditorum paupertas accrescit, ærarium decrescit, tributorum vis increbrescit, promissionum fides evanescit, Legatorum eloquentia obmutescit, fama Nominis exolescit, sive, ut paucis multa exprimam, nihil penè amplius pro voto Tibi succedit. Imò hac *Pace* mox recreatum nos iri non speramus solum, sed & pignore quasi dato confidimus. Nec enim omine caret, quod constantissimis illis purioris fidei confessoribus *Waldensibus*, quos eadem Persecutionis, quæ Huguenotas in regno Tuo affligerat tempestas, quodam quasi diluvio corripuit, quorumq; nomina mactandorum tabulis jam erant inscripta, vitam, fortunas & Religionis cumprimis libertatem (ringente Te licet & Pontifice supremo) is ipse restituere pronuper debuerit, quem Tu velut Ministrum in iis persequendis atque patriâ suâ ejiciendis prius adhibuisti: quasi dulcissimum lætissimumq; futuræ pacis fructum hos ipsos præcipere primosq;

gusta-

gustare oportuerit, quos velut postremam victimam crudelitissimæ persecutioni Tuæ consecrasti. Et Tune *Ludovice*, temeritatis novam inurere nobis jam possis, si, non ex alitis volatu, nec sinistro oscinis cantu nec pecudum extis & fibris, sed ex hoc maximè signo auguremur, in ejusdem libertatis societatem mox venturos ceteros quoque Protestantes, quos ejusdem calamitatis & miseriæ socios esse voluisti? aut, si Heroica insuper Invictissimi WILHELMI facinora animo perlustrantes, hinc quoque felicissima omina accipiamus & auguria, nobisque prorsus persvadeamus, WILHELMVM Divinitus provisum atque exitum fuisse, qui pacem & quietem Europæ toti; Christiano Orbi restitueret, cujus Tu tanta procella, turbo atque tempestas hucusque fuisti? Qvavis enim Tu fremere, latrare, minari, dentes Tuos in nos acutere necdum desinas; vix tamen est ut mordere multum ac lædere valde deinceps nos queas, ac tantum non consumpta Tibi iniquitatis clepsydra, & pereundi maturitas appropinquare videtur: cum nos è diverso, causæ bonitate Deique Favore nixi, meliora indies sperare caputque nostrum tantò altius erigere queamus, quantò profundius Tuum demittere Te oportet. Qvemadmodum enim in morbi declinatione naturam, vim morbi expugnaturam, facillima ratione sustentamus, donec ipsa ad sanitatem eluctetur: ita nos, qui Tua *Ludovice*, incrementa non amplius metuimus, decrementa quotidie cernimus, lætissima quæque non ominari non possumus, mox fortè (cum cuivis percussori maturum Te intelligamus) spectaturi, quo Te impetu, quo murmure natura, omnium, in quos insultasti, voto sit ejectura, locumque lustratura, quem inquinasti.

Tu verò, Benignissime ac Potentissime Deus, cujus est auferre regna & transferre, humilia erigere, sublimia dejicere, fata vicesque Imperiorum, vitam & vota Imperantium ex æquo, & prout libitum est, dispensare, serva nobis quæso tot tantosque Fœderatorum Heroës: Lar-

gire iis porrò in concussam valetudinem , integras vires ,
fortia & felicia arma , Proceres fidos , Consiliarios probos ,
Familiam florentem , posteritatem nunquam intermoritu-
ram. Sis quælo etiam nobis propitius , & , si qua nos pe-
jor avis progenies cælum Tuum delictis impugnamus , si
iram Tuam petulantius laceessimus , ne fulmina actutum ex-
pedi , ne in ipsa delictorum voluptate incantos nos opprime ,
ne pauculos insontes malorum catervæ sparsim immistos
unâ exitii ruina involve! Quid si in tanto hominum numero
quingvagina lateant justi ? quid si quingvagenario numero
quinq; defint ? quid si quadraginta occurrant ? quid si numerus
non ultra triginta excurrat ? Sint saltem viginti : atqvi & de-
cem sufficere stipulanti à Te Amico Tuo promissisti. Vel de-
cem istos , si qvi sint , Numine Tuo protege , qui sua pietate
nostras culpās , si id precari fas est , expient , qvi sulphur &
ignem , qvi vindicem gladium excutiant , qvi Te , cetera
invincibilem Deum , precibus & lacrymis
expugnent.



IRENOPHILI ORATIVNCVLA,

qva ante qvadriennium *Britannia* gratulabatur
felices miseras & calamitates,

è quibus Sapientissimi Regis sui WILHELMI
auspiciis mirabiliter emerfit.

EA quidem natura est mortalium, nihil ut magis abhorreant, quàm adversitates, nihil doleant æquè ac illatas sibi injurias. Sed ipsa tamen calamitas virtutis sæpè est occasio; multosq; in securiorem portum tempestas detulit quàm malacia; nec paucis ad supremam felicitatem aditus injuria fuit. Tu mihi recens & luculentissima testis es Nobilis *Britannia*, cui tam feliciter vertit ipsa illa, qva pronuper affligebaris, calamitas, ut periisses penè nisi periisses.

Horret meminisse, animus, luctuque refugit in memoriam revocare miseras, quibus Te involvere *Jacobus* Rex nuper Tuus est ausus, ex quo fidem Proceribus Regni datam turpiter frangere, conscientis superbè dominari, tot innocentissima capita crudelitati suæ nefariè devovere, &, ne malè administrato Regno malum deesset fulcrum, peregrinam sobolem supponere, non erubuit. Ac stabat prorsus sub novaculæ aciei Libertas Tua, expiratura penitus, nisi ultima desperatione feroces Proceres Tui, & causæ æquitate erecti, dignum tuendæ innocentiae facinus tandem essent aggressi, ut prosperam quidem audaciam juvaret solertia, absolveret celeritas; cùm in tempore momentum omne esset positum, nec posset laudari consilium, nisi peractum.

Intravit scilicet Angliam formidabili Batavorum classe munitus Serenissimus Princeps WILHELMVS AVRIACVS, desperatis ibi rebus salutariferam manum velut ex machina

china porrecturus: intravit, ne præsentiens quidem iis, qui in expiscandis exterorum arcanis alias plusquam sunt Lyncei, ac scire etiam gestiunt, quid Jupiter Junoni in aurem dixerit. Unaque dies illa, quæ Anglia WILHELMVM excepit, tot bonorum pavores, tot ambitiosas improborum spes & audacia vota, nihil avidius quam tristem Protestantium interitum expectantia, extinxit. Ipse verò *Jacobus*, Panico velut terrore perculsus, mox abiit, excessit, evasit, erupit, in turpi fuga Diadema pariter ac Regnum amittens, ac nescio, an felicius non futurus, si unâ cum regno se quoque deserre potuisset. Sed difficile est malæ conscientiae tormentum suum effugere. Nec tamen, ut pristinam Sanitatem *Britannia* recuperaret, satis fuerat, pessimum Regem suum velut evomuisse, nisi paratus jam & Divinitus quasi provisos fuisset, qui debilitatam refocillare, nutantem firmare, lapsuram erigere illico posset. Quod certè non alius poterat nisi WILHELMVS, cui quippe singulare hoc munus in arcano Factorum sacrario Fortuna servavit. WILHELMI itaque caput ornare corona Regia debuit, quæ indigno fugientis *Jacobi* capiti, magno Regni bono, exciderat: WILHELMVM induere purpuram oportuit, ad cuius conspectum semper posthac *Jacobus* erat erubescendum: WILHELMI manibus porrigenda sceptrâ erant, quæ parum aberat quin nimium stringendo *Jacobus* fregisset: WILHELMVS salutari Rex debuit, qui labantem Olympum Atlantis instar fulcire, Regnoq; pristinam libertatem conciliare valeret. Felices verò angustias illas, in quas *Britannia* coniecta nonnisi optimum Regem eligere, & plusquam Diomedæa permutatione χρυσῆσιν ἀσπί χαλκήν accipere debuit! Accidit enim haud rarò, ut illorum eligendorum necessitas Proceribus Regni incumbat, qui neq; eligentibus satis placeant, neq; regnis multum profuturi videantur. Sed WILHELMVS, cum salva *Britannia* libertate, non eligi non posset, tantò magis tamen Eligentibus placebat, quantò dignior Regno videbatur, quippe quod antè

meruit,

meruit, quàm Eligentium suffragio obtinuit; cum nemo dignior coronâ videri queat, quàm qui devoto pro Republ. capite eandem licitatur.

Quantum Electione illa lætati fuerint Protestantium Reges ac Principes, dici vix potest: maximum hi namq; fulcrum novumq; abs tanto Patrono decus Ecclesiis suis accrevisse senserant. Nec pauci illorum, quos Pontificis autoritas tenet devinctos, jucundissimo afficiebantur sensu tam optatæ totiq; Christiano orbi fructuosæ Electionis. Penetravitq; hoc gaudium ad Augustissimi *Imperatoris* Romano-Germanici solium, cujus intererat valde ejusmodi Regem *Britanniæ* dari, qui non tantum afflictis ejus rebus consulere, sed & pressæ Germaniæ succurrere, sociasq; manus jungere posset ad ulciscendum juratum illum hostem, cui Germaniæ tranquillitas tanta fides est in oculis, & adversus quem longissima tot annorum patientia nihil amplius profectum, quàm ut plura & graviora tanquam ex facili tolerantibus Germanis indies imponeret, Gentiq; candidæ & (si dicendum quod res est) adversus peregrinas illas præstigias necdum satis cautæ, nefariè illuderet.

Ad Anglos tamen omnium maximè pertinebat ista lætitia, qui Rempubl. suam WILHELMII Prudentia è decumanis illis fluctibus, quos *Jacobi* perfidia excitaverat, externaq; irruentium ventorum vis immane quantum inflaverat, in tutissimum desideratæ tranquillitatis portum subductum iri firmissima spe sibi pollicebantur; lætissimo dehinc eventu spem tantam coronante.

WILHELMVS etenim in primo statim regni aditu insigni animi moderatione aliisq; præclaris regnandi virtutibus ple-
rorumq; animos in se erexit, occultasq; invidorum insidias & apertam hostium vim non minori fortitudine quàm fortuna, non minore consilio quàm industria repressit; compositis primùm Scotticorum fluctuum procellis, dein depulsis quoque à Protestantium in Hibernia cervicibus horrendis illis calamitatibus, quas in delicias suas sævissimus *Jacobus* vertere non exhorruit. Hic verò demum apertissimum campum WIL-

HELMVS invenit, in quo laudatissima ejus virtus laxatis
quali habenis decurreret, palamq; omnibus ostenderet, quid
posset devotum pro Rep. caput. Miser enim *Jacobus*, prioris
fugæ Regniq; (justo Eatorum judicio) perditum ignominiam
concoquere nescius, infelicium aleatorum more (qui perditio
sæpius jactu ludere tamen non cessant, si fortè uno momento
plurium horarum damna recuperare, donec omnem paulatim
pecuniam profuderint, qveant) Hiberniam Gallico sufful-
tus auxilio intrare, Martisq; aleæ reliquum quod habebat spei
committere est ausus, omnem irarum impetum adversus
WILHELMVM *effusus*, ipsasq;, si liceret, Furias ex imis in-
ferni caveis excitaturus. Sed ut nunquam cælum clientes suos
deserit, bonaq; victoriæ pars est, bonam causam in aciem edu-
xisse; ita Jacobum WILHELMVS uno mox &, ut sic dicam,
non toto prælio obtrivit, ut invadere & pugnare esset vince-
re, quodq; de C. Cæsare olim dicebatur, *venit, vidit, vicit*, hic
merito locum invenerit: nisi ita potius dicendum fuerit: *Venit, vidit, Deus vicit*, cujus auspiciis WILHELMVS pugna-
vit, gloriam omnem Deo transcribens. Tum vero infelix
Jacobus triste exilium suum cum gemitu reperere; Galli cri-
stas superbè nuper in *Britannia* erectas cum pudore demitte-
re; cordatiores Britanni à Jacobo desciscere; ceteri, quos po-
tentioribus philtris *Jacobus* inescaverat, infirmos lacertos ut-
cunq; movere, & anguium instar, quibus resectum est caput,
caudâ minari: WILHELMVS vero insistere cœptis, urgere
successus, neq; quicquam intermittere, quod strenuo Libertatis
Defensori incumberet, ipso Supremo Numine tam generosis
piisq; ausibus ad miraculum usq; favente. Quot enim, bone
Deus! intra unius anni vertentis ambitum insidias, corpori,
vitæ, salutis suæ structas WILHELMVS superavit? Quot pro-
ditionum defectionumq; semina, antequam adolesceret illa-
rum virus, viresq; assumeret, elisit, & in herba velut oppressit?
Quam favem mirandumq; Illustrum animorum consensum in
illo splendido sacroq; Deorum terrestrium conventu Hagæ Co-
mitum excitavit, ut, firmato arctissimis nexibus pristino fœdere,

ad prudentiæ Christianæ solem quasi coquerentur saluberrima illa consilia, quæ typis expressa pronuper vidimus, quibusq; nihil ingeniosius, nihil aptius excogitari potuisset ad refrenandam ambitionem illius malitiam, qui humani ac Divini Juris repagula toties effregit, & probitate mansuetissimarum Gentium, ac Germanicæ cumprimis, in occasionem exercendæ per tot conjurationes & facinora pudenda astutiæ nequissimè hucusq; fuit abusus? Vt proinde non vanis ductus ominibus augurari penè jam possim: quemadmodum Augustissimo atq; Inviçtissimo Imperatori LEOPOLDO divinitus ea obtrigit felicitas, ut intolerandum Turcarum factum immanemq; sævitiam gloriôsè præ ceteris coërceret, superbamq; Gentem altera vice supplicem pro pace fieri cogeret: ita non alium magis quàm WILHELMVM Divinitus excitum videri ad Galli (consimili factu turgentis & fortunæ deliciis velut ebrii) furorem refrenandum, ut evomere non tantum, quæcunq; toto hoc seculo tubercinando malè adhuc digessit, sed & exhaustis mox, quibus etiam nunc superbit, viribus, orare pacem tandem cogatur, quàm hæctenus velut in stipem nobis donasse, titulis & porticibus & in communem omnium contumeliam dicatis monumentis palam vanissimè & cum ludibrio est gloriatus.

Quin ergò justas audi voces *Britannia*, audi verissimas gratulationes: REGEM habes Pietatis studiosissimum, Prudentiæ & Fortitudinis gloria nulli secundum, civium ad sui negligentiam amantissimum, ultra Principum consuetudinem humanissimum, utriusq; Fortunæ scientissimum & adversus altercantes ejus blanditias irasq; non auditione duntaxat ac lectione, sed proprio usu & tot insignibus experimentis firmitissimum, talem deniq; quem observare subditi, suspicere hostes, intueri superstites, venerari postventuri meritò queant.

Macte lætis initiis hæce *Britannia*. Fruere desiderata felicitate, & fruire, quod omnes bonæ mentes expetunt, nullo fruendi fine. Auctus cœlesti bono es, WILHELMVM habes, & una habes munus supra mortalia omnia, Defensorem Custodemq; sanctissimarum, quas possides, rerum: quo nihil sive ad cultum Tuum elegantius, sive ad concordiam Regni Tui certius, sive ad gloriam Tux Gentis illustrius comminisci, nedum assequi potuisses; qui Tibi sponder, quicquid à Rege civibus sponderi optimum potest, conscientiæ libertatem; qui, si quid usquam est charissimi affectus, non exponet modo sed & in Te effundet, à se prius recessurus quàm à desideriis Tuis.

Equidem *Herculem* istum Tuum nova monstra feriari non sinent: habet enim hostis ejus adhuc aurum, quod distribuat; animos, quos corrumpat; artes, quibus inficiat; Instrumenta quæ adhibeat; machinas, quas admoveat; socios, quibus confidat; laqueos, quos tendat;

blanditijs, quibus fallat; tempora, quæ expectet; opportunitates, quibus imminet; ministros, quibus utatur. Sed nec WILHELMVM Tuum cœlestis destituet Providentia, nullibi quàm in Augustorum Capitum cura occupator. Aderunt illi armatæ cœlestium Geniorum cohortes, qui laus lectumq; ejus cingant: excubabit pro incolumitate ejus cœlestis Argus, cui totus est in oculis: defendet ipsum eadem manus, quæ sacrilegas Percussorum manus, ne parricidale ferrum stringerent, retraxit: tutabitur idem clypeus, sub quo hostium suorum furorem hucusq; repressit: favebit idem illi ventus, qui tot conglomeratas adversus ipsum conjurationum nubes, priusquam in horridas tempestates sævosq; turbines erumperent, diffavit. Breviter: servabunt benigniora Fata hoc fulcrum, cui spes pacis, gloria belli, salus Britannia, securitas Germania, tranquillitas Europa, felicitas Orbis innititur.

Ingeniosi cujusdam Poëtæ,
Incundæ Pacis rationes
cum Augustissimo Romanorum atqve Germaniæ
Imperatore
Purpuratorum in Turcia Principi
brevi allocutione propositæ,
contra Gallorum hodiernum Regem,
ore quasi Oratorum Regis Magnæ Britanniæ
& Fœderati Belgii ordinum.

Magnanime Duxor gentis Ottomanniæ
Præcelsæ Princeps! Regis huc Britannici
Batavicæq; Nationis nomine
Pro pace missi Proxenetæ plurimam
Tibi salutem nunciamus Et damus.
Habere nostris si voles verbis fidem.
Svademus igitur, arma contra Cæsarem
Inauspicatò sumta, post decennium,
Post vastitatem, postq; clades plurimas
Datæ, receptas, regna per pulcherrima,
Ponantur ultrò, nec sit ultra hostilitas,
Honestæ quando pax haberi, quæ nihil
Salubrius, jucundius nihil, potest.
At non honestè Gallus in periculo
Potest relinqui, Turcici cui nominis

Amore se subdicere voluit gloriamq;
Et pace florentissimas provincias.
Periculose deferetur, qvi manum
Si dederit hosti victus, amplius dare
Neqvibit & porrigere vobis commodam.
Etiam minatur, si relinqvatur, luem
Internecivam, qviquid effertur Temir
Obnoxiiis, imbellibus victis potest.
Huc ergo ventum est, terreatur ut minis
Vis illa vestra, terror ille gentium,
Trabantq; Thraces spiritum precarium
Sub Rege Gallo, spiritum quamvis trahat
Ægrè ipse fessum exhaustus atq; languidus?
Quod si, quod absit, expeditus hostibus
Cunctisq; major stragibus surrexerit
Regniq; duplicaverit potentiam,
Vobis ne parsurum putatis, & rudes
Atq; imperiti, quæ tyranni sit fides,
Spectata nempe pluribus periculis
Circumjacentum gentium; quæ sit sitis
Honoris atq; gloriæ, quam finibus
In Proferendis semper imperi sitam
Omnem arbitratur, nec modum aut finem facit,
Ceui dirus hydrops crescit indulgens sibi.
Tunc ergo longè firmiori copias
Et robur opponetis adversario
Æquale serò. Sed timere non decet
Dexteras amicas, inq; summo cognitas
Discrimine, omni jam tremente Bosphoro?
Favisse nostris visus est parentibus,
Est visus aliis pluribus: sed visus est;
Ipsos & hostes ut videret atteri
Lento duello, stragibusq; mutuis;
Vtrisq; dum superveniret celsior:
Hispanicæ dum ponit obicem, suam
Dum firmat extenditq; rem, per fas, nefas,

Vel cum ruina Christiani nominis,
 Cui se studere dicit, ut qui maximè.
 Ut cunq; falsum dicat, ut qui maximè,
 Et maximum rerum sacrarum Præsulem
 Diriget ipsum omnesq; Consacraneos,
 Qui numen ejus nondum adorant unicum,
 Ferro sequatur atq; flamma turgidus:
 Ut cunq; nullus improbare plurimum
 Videatur ipse velle nexum conjugum,
 Sed ferre, sed probare, sed vita probet
 Et alia plura, grata vestris sensibus:
 Tamen Corani plura jura despuet
 Legesq; quæ præscripta circumcisio,
 Ridebit explodetq; cum stultissimis,
 Quævisq; rebus semper augeri expetens:
 Vobis amicum ne nimis vel asseclam
 Speretis olim Muhametis fervidum.
 Ut cunq; nullum Numen in celsò polo
 Aliud putare sit putandus aut solo
 Perjuriusq; violet omnes Cœlites;
 Conducet ipsi plus tamen professio
 Jactatioq; gratiosior Crucis,
 Ad obtinendum quod petit, quod somniat,
 Quod esurit sititq; totis viribus,
 Totius orbis regimen ac fastigium,
 Ut solus, ut sol, orbe toto fulgeat.
 Apollo certè, si ve Apollyon cluet,
 Apollo verè Tortor est seu perditor,
 Vrendo Phæthron, vana fando Loxias,
 Ut quemq; tanget scilicet, quis hoc neget?
 Huic quippe se devovit unico suo
 Cupidini deditq; quod vobis dedit
 Vestroq; amorì, decipi si non pudet,
 Fœdèq; cæcutitis in meridie.
 Miramur autem jure, cur defederit

Apoc. IX. 11.
 Suet. Arg.
 c. 70.

Neglexeritq;, quam petebat anxie,
Occasionem rem gerendi splendide.
Cum spes teneret obsidentes altior
Vos ad Viennam frangeretq;, exercitum
Sublimis instructissimum Rhannusia,
Si se obtulisset pacis arbitrum, domi
Adortus esset classe mox & copiis
Ex Sarmatis, Dacis, Pelasgis, Dalmatis
Frequenter auctis ad monetæ tympanum,
Plaudente Papa & purpuratis omnibus,
Cepisset ingens protinus Byzantium,
Et nuda cætera regna defensoribus.
Mox duplicato & triplicato robore
Persas, Mogolem, Tartaros, Sinas catos
Vicisset & quod restat usquam gentium,
Quo jure quæve injuria, nil interest.
Inclusus autem Cesar & cum Cesare
Europa reliqua tota, velut indagine,
Venisset inde Gallicanum sub jugum.
At læva Gallo tunc fuit, Cœlestium
Aversa Gallo mens fuit, superbior
Quos læsit illustiq;, sacdis pessimis.
Elata contumaxq;, contemtrix DEI
Contemnitur mens à DEO, ne, cum patet,
Ad gloriam certissimam cernat viam.
Putetve clausam, nil Alexandri gerens
Nati Philippo, timidior vel cautior,
Quam qui Monarcham præbeat mundo novum;
Sica, veneno, nocte pugnans ac die
Largitionibusq;, virtutis loco.
Iusq;, planè non Alexander fuit,
Antiochus autem, quem furor, cædes, strophæ
Fecere clarum, vel Philippus moribus,
Gessere magna qui ferè nulla fide.
Novum Monarcham ne nimis quis borreat.
Hic ergo si (quod faxit ô Divum Pater!)

Coërcitus justisq; clausus terminis
(Nec enim bonam delere Galliam libet
A stirpe totam, vindicare sed magis
A servitute subditos gravissima)
Si victus ipse libera verit metu
Atrocior Nationes affitas;
Si se didicerit cornibus fractus pati,
Fortuna quæ vos maneat, arbitramini.
Vobismet ipsis per-vicacioribus
Iniquiores pacis imputabitis
Serasve leges, subsidi cum nil erit.
Nunc occupate, cum patet, Pacem, citò
Ambabus ulnis occupate, quam petit
Et ipse Gallus, vosq; præverti studet.
Perisse, quod perit, putate, divites
Satis & potentes nunc quovq;, & paucissima &
Aliena tantum perdidisse credite.
Ne plura pereant, dum repititis acrius
Amissa. Quæ tenetis, ampla sunt satis.
Cultura tantum accedat & perennitas.
Non opibus opus est pluribus vobis; opis
Non indigetis ullius; quies modò
Sit grata vobis. Nemo, qui Christo dedit
Cum mente nomen, cum medullis intimis
Affectibusq;, vos laceffet aut premet.
Addita Christo corda Principum fide
Prudente mahunt promoverè commoda
Provinciarum creditarum strenuè
Insigniterq;, cum DEO, quàm limites;
Latusq; regna pulchra cultu præferunt.
Armis propagent sacra, quos ratio fugit:
Pii magis suadere pietatem volent.
Hæc cogitanda pro tua prudentia
Colende Princeps, duximus, produximus,
Ut apud peritum multa paucis diximus.